

Powšitkowne WOZJEWJENJA

njedźelu, 24. nowembra 2019

Młodostni na Chrysta Krala do Chrósćic!

Nyšpor wosebje za wšitkich młodostnych budže na swjedženju Chrysta Krala, njedźelu, 24. nowembra, w 14.00 hodž., w Chrósćanskej cyrkwi a ma hesło „njewěsty?“. Po nim su młodostni na faru k zhromadnej swačinje a na fotowe impresije pod temu „Commissioned Israel“ přeprošeni.

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje štwórtk, 5. decembra, w 14 hodž. do Domu biskopa Bena w Smochćicach přeprošeni. Zajimcy njech so prošu hač do štwórtka, 28. nowembra, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli.

Duchowna hudźba k přenjemu adwentej

W Budyskej cyrkwi Našeje lubeje knjenje zaklinči njedźelu, 1. decembra, we 18.00 hodž. duchowna hudźba z tekstami k přenjemu adwentej. Nyšpor wuhotuja člonjo wosady.

Adwentny hudźbny nyšpor w Njebjelčicach

Prěnju adwentnu njedźelu, 1. decembra, w 14 hodž. wotměje so hudźbny nyšpor w Njebjelčanskej cyrkwi. Wón ma k rozpominanju a dušinemu wusměrjenju na hody služić. Program wuhotuje Njebjelčanski cyrkwinski chór pod nawodom Krystofa Mikławška.

Voxaccord koncertuje na dwěmaj městnomaj

Dwanaće muži ansambla Voxaccord z Drježdžan zanjese sobotu, 30. nowembra, w 19.30 hodž. w Smochčanskim Domje biskopa Bena a njedźelu, 1. decembra, w 16 hodž. w Chrósćanskej cyrkwi motety znatych komponistow a woblubowane adwentne spěwy. Zastup je darmotny. Při durjach budže zběrka – w Chrósćicach za tamniše zwony a w Smochćicach za Spěchowanske towarstwo Domu biskopa Bena.

Spěwny wječor za dobry skutk

Jasčan Florian Rynč a muski kwartet PoŠtyrjoch přeprašujetaj na mjeztym džewjaty dohodowny beneficny koncert do Rynčec bróžnje w Jaseńcy, čisło 8, kotryž zahaji so sobotu, 7. decembra, w 19.45 hodž. Wopytowarjow wočakuje wotměnjawy program. Lětuši hósć wječorka budže Drježdžanski muski kwartet „Die Harmonischen“. Nimo toho zaklinča znate adwentne, lóštne a zabawne spěwy skupiny PoŠtyrjoch. Wunošk ze zběrki, z předawanja napojow a jědže přewostaja Chrósćanskej a Worklečanskej wohnjowej woborje za přěnju pomoc na městnje. Koncertej přizamknjetej so spěwny wječor a zabawa.

Młodostni na adwentničku přeprašeni

Adwentnička serbskich młodostnych je lětsa njedźelu, 8. decembra, w Ralbicach. Započatk je w 14 hodź. z nyšporom w cyrkwi, kotryž wuhotuje chór 1. serbskeje kulturneje brigady. Po nyšporje zetkamy so na „Radlubinje“ k zhromadnej swačini, hraću hrow a kartow kaž tež bjesadu. Štóž chce, njech přinjese swójsku hru sobu.

Jězba serbskich młodostnych na pasion do Oberammergauwa

Wutrobnje přeprašamy was na jězbu serbskich młodostnych na swětoznate pasionske předstajenje do Oberammergauwa (blisko Mnichowa) wot pjatka do njedźele, 8. do 10. meje 2020. Wotjědźemy pjatk nawječor. Jónkrótnje poskića młodostnym ze wšeho swěta, sej tamnišu generalku wobhladać. Z tym maja młodostni wot 16 do 26 lět móžnosć, zastupny lisćik, kotryž hewak 150 eurow płaci za 24 eurow dóstać. Po předstajenju změja samo składnosć, so z dźiwadźelnikami rozmołwjeć. Nimo toho postaraja so Oberammergaučenjo wo kwartěry a zastaranje za přihódnou płaciznu. Zastup, zastaranje a nóclěh budže něhdže 60 eurow płacić. K tomu přihódnou kóšty za transfer. Tuta jězba by móhla tež hodowny dar młodostnemu być. Dalše informacije su pod www.jugendtage-passionsspiele.de wozjewjene. Přizjewjenja přijimuju so we Worklečanskim dekanatnym młodžinskim dušepastyrstwe přez mailowu adresu don.boskowy-dom@t-online.de hač do srjedy, 11. decembra. Městna su wobmjelowane.

Putnikowanje do Krupki

Termin za putnikowanje serbskich młodostnych klětu do Krupki je nětko tež jasny. Budže to wot njedźele do pjatka, 9. do 14. awgusta 2020.

Hromadza hodowne pakćiki džěcom a swójbam w Českej a Botharskej

Towarstwo swjateje Filomeny z.t. chce tež lětsa džěci a swójby w českim Dolním Podluží, Jiřetlnje kaž tež w botharskim Razgradze a wokolnych wsach z hodownymi pakćikami zwjeselić. Jich wobsah njeje předpisany, móžne pak su hrajki, pisanske materialije, slódkosće abo kakaw. Za spomóžne ma wone, jeli bychu pakćiki nalěpk měli, za koho je mysleny, na přikład „swójba“, „holca 14–16 lět“ abo „hólc 0–4 lět“. Wotedać móža so pakćiki wot póndźele do štwórtka, 25. do 28. nowembra, stajnje wot 17 do 18 hodź. w Smjerdžečanskim kulturnym domje. W tym času přijimuju tohorunja počehnjena abo hygieniske twory. Trjebanu drastu abo črije pak lětsa njehromadza. Dalša móžnosć podpěranja su pjenježne dary, z kotrychž matej so transportaj financować kaž tež wšelake socialne zarjadnišća podpěrać. Přepokazać móža so na konto St.-Filomena-Verein e.V., IBAN: DE55 8509 0000 6036 0810 05 pola Ludoweje banki Drježdžany-Budyšin e.G. pod hesłom „Hilfsaktion 2019“.

Přednošk wo modže a narodnej drasće w Serbskim muzeju

Docentka Lipšćanskeje „Macromedia akademie“, Eva Howitz, přednošuje srjedu, 27. nowembra, w 19 hodź. w Budyskim Serbskim muzeju k temje „Mode & Tracht“. Swobodna wuměłča, znata tež pod labelom „howitzweissbach“, wěnuje so w přednošku mjezsobnemu wobliwowanju tradicionelneje drasty a mody. Zdobom přiručnuje wona kulturu swojeje domizny w Rudnych horinach ze serbskej a předstaji, kotre šansy widzi za přichod w Serbach. Wot 17.30 hodź. přeprašuje Andrea Pawlikowa na serbskorěčne a we 18 hodź. na němskorěčne wodženje po wosebitej wustajeńcy SORBIAN STREET STYLE. Wšitcy zajimcy su wutrobnje přeprašeni.